

10. PASIAN PEN PA AHIH NA

- a). **Laisiangtho bulphuhte:** Jn. 14:6-11; Jas. 1:17-18;
Eph. 1:17-23; Lk. 15:11-32.

b) Thupatna

Eite in i Pa Pasion sam thei hang a, ama innkuan sungah ama tapate a hong suahsakna hang ahi hi. Hih pen Thuciamthak pomzia tampi tak lak hi. Thuciamlui sungah a pangpi in leh piansak na ah Pasion ii a tawntung vangliatna lak-a Pasion hihna a kilat mah bang in Thuciamthak kilak khatna ii thupi lianpen ama Pa hihna ahi hi. Hih Pasion pen Pa ahihna Thuciamlui sungah sawm le nga vei (15). bek kikawk in Thuciamthak sungah za-nih leh sawmnga leh livei (254). a kigen na i sin na tawh hih thupen kitel tak in hong kilak hi. 'Pa' cih kammal pen Greek pau in 'pater' hi a, a vak pa, a hupa leh a kempa, cih a kician mahmah kammal zung pan ahi hi. Pasion a kilekkim a i muh theih nading in i Pa bang a i theih ding kisam hi.

c) Pa Pasion: Thumgawm Pasion i khen khat (Part of the Trinity)

Pa Pasion, Tapa Pasion leh Khasiangtho Pasion-te pen Pasion ii khen thum aih keh mimal thumte hi. Amaute khat hi in khat bang a gamtang a hih manin kipumkhat hi. Pasion khat sunga khen thum cih pomzia i tel theih nading a lahkhatnate pen:-

- (i) Mi khat : Pa pen a pumpi bang; Zeisu pen a taklam khut bang leh Khasiangtho pen a veilam khut bang hi. Hih leitung ah khutte in Pa nasepte sem uh a, ahizong in khat pen lian zaw cih om tuan lo hi.
- (ii) Apple pumkhat: tua in a laigil (Pa Pasion), a tak sa (Tapa Pasion). leh a hawng (Khasiangtho Pasion). nei hi. Apple pum khat ah khen thum om hi.

Hih thum gawm Pasion ah khen khat bek i thuuk ngaihsut leh a dang khennih tegel tel thei lo bek lo in, i ngaihsut deuh khenkhat pen nangawn tel thei lo ding hihang.

d) Pasion Pa hihna tel nading leh Theih nading lampite

1. Pasion in lampi tampi tungtawn in amah leh amah hong kipulak hi. Gentehna in, Kamsangte tungtawn in (Heb. 1:1). Piansakna tungtawn leh Laisiangtho tungtawn in.
2. Zeisu in leitungah a om sungin Pasion Pa hihna pulak a, a diakdiak in ama itna kipum khatna leh thuneihna tawh pulak hi (Jn. 14:6-11).
3. I leitung pa in Pa Pasion tawh kibang cih kicingtak lo pulakna bek tawh hong lak a, ahizong in Pasion pen Pa hihna khempuehte kipatkhatna hi a, (Eph. 3:14-15 AV). tua ahihman in i leitung pa in Pa Pasion hihna khat langkhasak thei hi.
4. Khasiangtho pen Pa Pasion kiangpan a eite tunga letsong khat hi a, eite tungah Pa Pasion hong pulak ding hi (Jn. 14:26).

e) Pasion pen a kicing eite Pa hi

- Amah in hong kam kuppah hi (Psa. 73:24).
- Amah in hong huu hi (Psa. 91; Jn. 10:27-29).
- Aman tawlngak na hong pia hi (Matt. 11:28-29).
- Amah lungduai hi (Matt. 18:26-27).
- Aman hong it hi (Jn. 3:16).

- Aman hong cing in hong puah hi (Jn. 15:1-2).
- Amah thuman hi (Jn. 17:25).
- Amah hehpihna tawh kidim hi (Rom. 16:26).
- Aman hong tat in hong bawl hi (Rom. 9:20-21).
- Amah pen a tawntung hi (Rom. 16:26).
- Amah in lainatna nei hi (2Cor. 1:3).
- Amah in hong hehnem hi (2Cor. 1:3-4).
- Amah in kha thupha khempeuh tawh thupha hong pia hi (Eph. 1:3).
- Amah in hehpihna nei in nopna hong pia hi (2Tim. 1:2).
- Amah in citak hi (2Tim. 2:3).
- Amah in hong puahpha in hong khal hi (Heb. 12:5-11).
- Amah in mi deidan lo hi (Maitang zahtaktuam nei lo). (1Pet. 1:17).
- Amah in hong sik hi (1Pet. 5:7; Matt. 6:33).
- Amah in mawhmaisak hi (1Jn. 1:9).
- Amah pen itna hi (1Jn. 4:8).
- Amah siangtho hi (Rev. 16:5).
- Amah thu khenna ah man in thuman hi (Rev. 16:7).

f) Thuciam lui a Pasion minte Pawlkhat

Jews mite in min leh ngeina pen a khiatna kibang in ngaihsun uh hi. Pasion in hih minte leh ngeinate thupina mihingte teltheihna pen mite in ama ngeina a tel theih nading un ama' tung mahmah ah zangh pah hi. Pasion minte telna pen Pasion amah leh amah a kipulakna tel na hi pah hi.

1. **El Elyon:** A sangpen Pasion; Van leh Lei a uk leh a nei pa; Thu nei pa (Gen. 14:18; 2Sam. 22:14).
2. **El Shaddai:** A lianpenpa, Vanglianpen pa; A tate tungah a tawntung a a vak pa leh a kispante uh a pia pa (Gen. 17:1).
3. **Yahweh:** Jehovah Topa : A tawhtung a om pa; 'KEIMAH' ahi tawntung pa; A om tawntung pa (Ex. 3:15; Psa. 88:18; Isa. 26:4).
4. **Elohim:** Pasion hih min in Pasion khat sungah khat sanga a tamzawkna hong lak hi. Pasion in Gen. 1:26 ah, "I lim sun in mi bawl ni" ci hi. Hih in nih aih keh a tamzaw a hihna lak hi (Ex. 35:31).
5. **Jehovah Shammah:** Topa om hi; Amah eite tawh om khawm tawntung hi (Ez. 48:35).
6. **Jehovah Shalom:** Topa in eite nopna leh kicin'na hi (Judges 6:24).
7. **Jehovah Jireh:** Topa in eite hong sik ding hi (Gen. 22:14).
8. **Jehovah Nissi:** Topa i gual zawhna hi (Ex. 17:15).
9. **Jehovah Tsidkenu:** A dikna tawh hong tuam Topa; Eite dikna Topa (Jer. 23:6; 33:16).
10. **Jehovah Rophe(rapha):** Eite hong cidamsak Topa (Ex. 15:26).
11. **Jehovah Ro-hi(Ra-ah):** Eite hong it, hong makaih tuucing Topa (Psa. 23:1).
12. **Jehovah Mekadish-kem:** Eite hong siangsak Topa (Ex. 31:13 AV)

13. **Jehovah Yasha-Gal:** Topa eite Honpa leh Tanpa (Isa. 49:26; Isa. 60:16).
14. **Adonai:** Ka Topa (Gen. 15:2; Deut. 9:26; Psa. 51:15).
15. **Tsur:** Suangpi (Isa. 44:8).

g) Pasion Pa hihna pen Nungzui hihna cih thubulpi hi

Hih thu telna in anuai ate tel thei sak hi.

- Thungetna, banghang Pasion in dawng hiam? (Matt. 7:11).
- Khasiangtho ngahna (Lk. 11:13).
- Tate hong kisuahsakna (Rom. 8:15; 1Jn. 3:1).
- Tatkhiatna thu vaihawmna (Gal. 4:4-7).
- Pasion kiang zuat theihna (Eph. 2:18).

Ama Pa Pasion itna ah mihing thuhkikna in Pasion lungtengah phattuumna pia hi (sukha hi.). Tua hi a, lunggulhna (Ezek. 22:30-31). dahna (Jer. 8:18; Isa. 53:3). lungkhamna (Gen. 6:6), thangpaihna (Rev. 16:1), tauna (8:21). lainatna (Matt. 9:36). Lungdamna (Lk. 15:22-24). Lasakna nangawn tawh kipahna (Zep. 3:17). cihte tuahkha hi.

h) Mihing ading a I vantung Pa a ithuai Ngimnate ah hihte kihel hi

Amah in thungetna dawng nuam tawntung hi (Isa. 62:24; Matt. 7:11).

Amah in mite ama tate ahieh ding lunggulh hi (Jerimiah 3:19).

Amah in a hehpihna lahkhiat ding nuamsa hi (Micah 7:18).

Amah in nuntakna leh a dim nuntakna i neih ding ngim hi (Jn. 10:10).

Amah in launa pan hong suaktasak nuam hi (Jn. 14:1; Psa. 118:5-9).

Amah in mihingte a tawntung inn piak ding lunggulh hi (Jn. 14:2-3).

Amah in minam khempeuh a kihotkhiat ding ut hi (1Tim. 2:3-4).

Amah in i kikap nate hong don/kin nuam hi (1Pet. 5:7).

i) Pa Pasion thawhkikhoh khopna

Khang tawntunga Pasion geelna leh ngimna lianpen amah tawh dimtaka kikhawl khawm kik dinga mihing sapkik ding ahi hi. Tang thu khempeuh ah hih tatkhiatna vaihawmna kilang hi. Hih vaihawmna a kisp khat taktak pen Adam a mawh hun ciang dong kizam nai lo hi. Mihing mawhna in mihing tawh Pasion kizopna susia a, tua a kipan tatkhiat na thu Pasion vai hawmna kistem hi. Pasion in leitung it a hotkhiat ding lunggulh hi (Jn. 3:16; 1Pet. 3:20).

Zeisu "Leitungah mikhat peuh pa ci in sam kei un, banghang hiam cihleh Pa khat na nei uh a, amah Vantung ah om hi." ci hi (Matt. 23:9). Hih thu pen khialhna hang in pate in Pasion ngim bang dan pate omziate nei lo in leh pate suak thei lo uh cihna hi. Tua hang in a taktak in Zeisu in Pa man taktak ii om zia leh hih theihna a nei Pa khat bek vantung ah nei uh teh a ci na hi hi. I vantung Pa omzia pen kicing a, kikhel lo in kihei in a liim zong a kiam sak kei hi (James 1:17). Ama hih theihna pen kiciangtan lo hi. Hih khuavak sungah, i vantung Pa omzia bittak in kimuang thei a, ama hih theihna kimtak in kinga hi. Hih thu in eite adinga a kamciam tawh kisai in Pasion muanlah nading bangmah om sak lo hi.

j) Pa/Tapa kizopna ii Thuphate leh Hamphatnate

1. Tapa hihna hamphatna: (Jn. 1:11-13; 2Cor. 6:17-18; 2Cor. 7:1). Pa leh ama Tapa Zeisu tawh kizop na leh kilawmtatna hong suksiat nading-a hong dem/langpang

khat peuh pan hong dalna dingin Khasiangtho pen eite adingin am/haza (Jealous). mahmah ding hi (James 4:5).

2. Tapa hihna Teci: (Rom. 8:15-116; Gal. 4:6). Pasion kha in eite kua tawh Pasion tate i hihna teci pang a tua tawh Pa Pasion pen eite Pa hi.
3. Tapa hihna luahna (Rom. 8:17).
Pasion tate hihna tawh tu in i luahnate pawlkhat ngah khin hang a tua in Pasion pen i Pa taktak ahihna hong kawkw hi. Gentehna in Gupna ngahte adingin Khasiangtho kamciam kipia hi (Eph. 1:13-14).
4. Tapa hihna khalna (Discipline): (Heb. 12:7-11).
5. Tapa hihna sungah Pa itna; (Jn. 16:27).
6. Tapa hihna sunga Pa hong sikna (Matt. 6:8,26,30 ; Jn. 14:2).
7. Tapa hihna sunga Pa hong huutna (Jn. 10:28-29; Jn. 13:1).
8. Tapa hihna sunga Pa suahtaksakna (Lk. 12:32; Matt. 7:11).

c) Thukhupna ah

Tu hun Christian tampite pen Pasion thukhenna kihtakhuai tawh a kitawng biakna chat nuai ah nungta uh hi. Pasion pen bangci hiam khat tawh amau tangkhat ah om in unsim in a dantat ding leh a ukawp dingin en cik tawntung bang in kigen hi. Pasion in nawhna pen amudah mah hi a, ai zong in mawhneite mudah lo hi. Mawhnei pa Pasion in t in ama ading a kingah theih leh ama kammal bang a kalsuan a, ama thumang a nungta i thi um mite ading bangzah tak in Pasion kingah thei zaw kan lai ding hiam? (Rev. 1:5-6). Eite mawhnei i hih lai tak in Zeisu in hong it in, ama kiang ah i zuat teh mawhnei pi mah n hong pum nusiak lo in, hong sawpsiang, kumpi leh siampite hong suaksak in A Pa Pasion ungang hong pia hi. Tua hunlian in Pasion pen i Pa hong suak hi. I Pa in eite pen kumpite eh siampite bek in hong ciamteh hi. Zeisu in tua bang in lem buah hi. Eite thangat in i nawh ciang nangawn leh i Pa Pasion lungdam loh nading a i sep khak ciangin Zeisu in eite ding a hong thumsak dingin nungta tawntung hi. Ama palai sepna naseppen hong it i Pa hawhkikhoh khop nading in a tawntung in kingah hi.

"Tua ah ciangin eite in lainatna i ngah a, i kisap hunhun a hong huh ding hehpihna ngah iading in kimuang tak in hehpehna to khom zuan in. (Heb. 4:16).

Pa tokhom ah hangsantak-a zuat theih nading sapna i ngah hi. Ama itna leh hehpihna iang in eite in khutdawh ngenbang hilo kumpi bang in hangsantak in zuan thei hihang. Eite in i zuat ding leh ingah ding a kilawm lo lainatna i ngah nading hong kisam ahihna iang teh in. 1Jn. 4:18 ah 'A kicing itna in launa hawlkhia hi.' ci hi. Eite in a vanglian bel i pa khutah kingah; launa, i pa tauhna leh i lunghihmawhna khempeuh a tut ding kisam hi. Amah in eite tapate leh go luahte bang in hong it hi. Amah in hong puuksak lo ding hi. Amah eite ading ahoih pen bek hong deisak a, ama sungah picing a i khantoh ding hong leih hi. Eite in i vantung pa i muan ding leh i hihna khempeuh i piak ding kisam hi.

) Dotna le Kikupnate

1. Tapa taimang tangthu in (Lk. 15:11-32). Pa Pasion zia hong nak lah mahmah hi. Kam kum in.
2. I leitung pa in ngaihsut zia in i vantung Pa i ngaihsutna a puak khatpeuh a om hiam?
3. Na nuntakna ah Pa Pasion in koici bang in amah leh amah a hong kipulak hiam?

cih kam kum in.

4. I nuntaknate i zat zia in Pa Pasion i theih na a kicin' lohna leh tua nungzui in amah i muan zawh lohna ahi hiam?
5. I vantung Pasion tokhum mai-ah hangsan taka zuat ding hong kikap hang i zuan hiam?

m) Tomlakna leh zatpahna

1. Pasion kileek kim tak a i muh theih nading in Pasion nungzuite i hihna tawh thungawm Pasion ahi, Pa Pasion, Tapa Pasion leh Khasiangtho Pasiante i theih kim ding kisam hi.
2. I vantung Pasion pen Pa hihna ah a kicing etteh ding ahi hi (Matt. 5:48).
3. A kician bulkipte tungah i Pasion nungzuite hihna tawh i nuntak theih nading in Pasion pen Pa banga i theih ding kisam a, ama tapate i hih na ah eite ading a ama ngimnate i theih ding kisam hi.
4. Pa Pasion tawh i kizopna ah nuam i sak theih nading in ama thubulpi te, thupiakte, kammalte leh thuneihna tawh kizom a i dawn kik ding i sin ding kisam hi.
5. I vantung Pa pen kua hi a, eite ading bang hong ngim sak cih i muhna tawh i itna (Jn. 14:21)., I biakna (Jn. 4:23-24)., Leh thumanna (Jn. 14:15; 1Pet. 1:2,17; Rom. 6:16-18). tawh amah dawngkik/thukkik ni.